

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 24. stav (2) Zakona o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17 i 4/22), člana 38. Kolektivnog ugovora za policijske službenike u Ministarstvu unutrašnjih poslova Zeničko-dobojskog kantona („Službene novine Zeničko-dobojskog kantona“, broj: 5/22), člana 14. stav (1) Uredbe o uslovima, kriterijima i načinu ostvarivanja naknada i drugih materijalnih prava policijskih službenika Zeničko-dobojskog kantona („Službene novine Zeničko-dobojskog kantona“, broj: 10/18 i 10/22) i Sporazuma Sindikata policije MUP-a Zeničko-dobojskog kantona sa Vladom Zeničko-dobojskog kantona broj: 02-30-11213/22 od 01.08.2022. godine, na prijedlog Ministarstva unutrašnjih poslova, Vlada Zeničko-dobojskog kantona, na 16. sjednici, održanoj dana 13.04.2023. godine, d o n o s i

ODLUKU

o utvrđivanju visine naknade za topli obrok policijskih službenika Ministarstva unutrašnjih poslova Zeničko-dobojskog kantona

Član 1.

(Utvrđivanje visine naknade za topli obrok)

(1) Visina toplog obroka policijskih službenika Ministarstva unutrašnjih poslova Zeničko-dobojskog kantona iznosi 1% od prosječne neto plaće isplaćene u Federaciji Bosne i Hercegovine, prema zadnjem objavljenom podatku Federalnog zavoda za statistiku.

(2) Policijskim službenicima Specijalne policijske jedinice Ministarstva unutrašnjih poslova Zeničko-dobojskog kantona, pored naknade za topli obrok iz stava (1) ovog člana, pripada i dodatna naknada za pojačanu ishranu u iznosu od 10,50 KM po radnom danu.

(3) Policijski službenik ima pravo na naknadu ishrane (topli obrok) za vrijeme rada samo za dane prisustva na poslu.

Član 2.

(Realizacija)

Za realizaciju ove odluke zadužuje se Ministarstvo unutrašnjih poslova, Uprava policije i Ministarstvo finansija, svako u okviru svoje nadležnosti.

Član 3.

(Stupanje na snagu i datum primjene)

Ova odluka stupa na snagu danom donošenja, a primjenjuje se od 01.04.2023.godine i objavit će se u „Službenim novinama Zeničko-dobojskog kantona“.

PREMIJER

Broj: 02-11-6073/23

Datum, 13.04.2023. godine

Z e n i c a

Amra Mehmedić

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x Uprava policije, putem Ministarstva unutrašnjih poslova,

1x „Službene novine Zeničko-dobojskog kantona“,

1x a/a.